



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

Præfatio Ad religiosum, deuotum, Christianum Lectorem.

[urn:nbn:de:hbz:466:1-60091](#)

P R A E F A T I O
*Ad religiosum, deuotum,
Christianum Lecto-
rem.*



Vantum ad quotidianas
rerum diuinarum medi-
tationes solidè fructuo-
seque instituendas præsi-
dium sit, pie Asceta, materias medi-
tandi mysterijs temporis Ecclesia-
stici, & propriæ cuiusque spirituali
necessitati ac deuotioni congruen-
tes, in paucula puncta non nimis
succincta & iejuna, sed neruosa &
succulenta, que facilè tamen memo-
ria retineri queant, ordinatè, diluci-
dè, atque ad motum accommodatè
digestas, affectusque præcipuos ex-
ijs congruenter eliciendos in prom-
ptu habere, in leipso sæpenumerò
experitur, quisquis non segniter op-
tatum.

Ad Lectorem.

ratum ex hac pia ascensi fructum re-
ferre nititur. Non raro namque vsu
venire solet, ut spiritualis militiae Ti-
ro parum in hoc armorum genere
versatus, hoc subsidio destitutus,
tempus præparationi ad crastinam
meditationem designatum prius e-
lapsum deprehendat, quam se resol-
uat quanam de re meditationem in-
stituere postero die libeat; atque ita
imparatus exiguo cum fructu ad hoc
tam singulare omnimeodæ perfecti-
onis assequendæ medium prosilire
consuecat. Cum verò non cuius-
que sit ex tempore rerum meditan-
darum temporis & spirituali profe-
ctui magis accommodatarum capi-
ta feligere, in certa puncta aptè di-
spartiri, affectusque magis idoneos
inde formandos præsignare: cum id
& peritiam aliquam, & tempus non
exiguum, & industriam non medio-
crem requirat: hoc ego te labore
subleuare decreui, per hoc anniuer-

* 4. sarium

Prefatio

sariarum meditationum Diariū, par-
tim ex p̄ijssimis iuxta doctissimis que
R.P. Ludouici de Ponte tomis, par-
tim aliundē, iuxta nutum sanctæ O-
bedientiæ diuinæ voluntatis inter-
pretis concinnatum. In quo materi-
as præcipuas magisque fructuosas,
de quibus tum ad solidum in spiritu
profectum promouendum, tum ad
deuotionis temporis congruentem
affectionem excitandum quotidianæ
possint institui commentationes, in
singulos anni dies digessi: eo consi-
lio, vt & tedium ex crebriore eius-
dem rei considerandæ repetitione
subrepere solitum tolleretur, & affe-
ctus mysterijs, quæ tunc temporis
recolit Ecclesia, conformiores faci-
lius efficaciusque frequentarentur.
Hunc verò in ijs assignandis ordi-
nem seruandum censui, quem in di-
uino officio disponendi seruat san-
cta Mater Ecclesia, vt pari quasi pas-
su eadem mysteria, aut saltem ijs af-
finia,

Ad Lectorem.

finia, quantum fieri potest, quæ in
dicto diuino officio recoluntur, in
quotidianis quoq; meditationibus
profundius expendantur, ad deside-
ratos pietatis sensus, affectusq; hac
ratione suauius concitandos, & ve-
hemētius inflammādos. Quamobrē
eas in sex diuīsi partes, quarum 1. Ab
Aduentu vsque ad Septuagesimam,
complectitur gaudiosa Verbi incar-
nati, nati, & priuatā vitam vsque ad
trigesimū etatis annum agentis my-
steria. 2. A Septuagesima vsque ad
Pascha, motuia contritionis, & do-
lorosa mysteria Dominicę passionis.
3. A Paschate vsque ad octauam
Corporis Christi, seu Dominicam
secundam post Trinitatem, gloria
Christi resurgentis, ascendentis, Spi-
ritum sanctum mittentis mysteria,
præcipua Dei beneficia, cœlestia
gaudia, attributa diuina, SS. Eu-
charistiæ encomia. 4. Pars, à Do-
minica secunda post Trinitatem

* § vsque

Prefatio

usque ad Aduentum, præcipua à
Christo tempore prædicationis re-
uelata mysteria, communicata do-
cumenta, relicta exempla, facta mi-
racula, collata beneficia. . De Festis.
ac Vitis SS. quorum memoria solē-
nius per annum in Ecclesia consuevit
celebrari, accommodatas ad præcla-
ras eorum virtutes ac res gestas æ-
mulandas, continet meditationes.
6. & Postrema similes, & quidem
quinquaginta perutiles de præcipuis
virtutibus perfectè exercendis, quæ
subinde alijs interseri, & crebrius
per annum pro cuiusque deuotione
& spirituali necessitate ad maiorem
nunc in hac, nulla in illa virtute pro-
fectum possunt usurpari. Ex his pa-
tet non solum singulis Dominicis ac
festiis, sed & singulis feriatis per an-
num diebus proprias & rationi tem-
poris conuenientes in hoc Diario
exhiberi considerationes. Hoc ta-
men aduertendum in Dominicali-
bus,

Ad Lectorem.

bus de Euangeliō occurrente meditationibus assignandis me secutum morem Gallicanæ Ecclesiæ, ut potè in hisce partibus Germanicæ visitatorem: si quis malit sequi usum Romanæ, in transpositione nonnullarum facile assequetur. Neque solum hæ sic in singulos anni dies ordine digestæ commentationes suppeditant semper nouam uberemq; materiam pro ordinaria & quotidiana meditatione, sed plurimæ earum etiam seruent pro extraordinaria spiritus recollectione tam prolixiore, quam breuiore instituenda, quarum proinde peculiarem indicem generali singularum partium indicimox: subnectam: ut si cui his vti libeat, in promptu eas ordine dispositas habeat. Porro in plerisque punctis rerum meditandarum disponendis haec tria fermè, nisi per se nonnulla horum satis evidenter pateant, nunc strictius, nunc paulò prolixius incul-

* 6 can.

Præfatio

tantur. 1. Proponuntur momēta rationum, ac fundamenta solidorum discursuum idoneorum ad præfixos affectus ciendos. 2. Insinuantur cōclusiones practicæ ex præmissis, seu veritatibus clarè apprehensis eruēdæ. 4. Indicantur affectus voluntatis congruenter inde eliciendi, & non nunquam modus perfectus eas exercendi, & diutius continuandi. Ad hæc enim tria in omni meditatione præcipuè est attendendum, vt vide licet per solidos discursus veritates quovis puncto contentæ profundè penetrantur: conclusiones cum propositis practicis ex ijs inferantur: & motus affectusq; imperati per iudicium practicū intellectus, momētis rationū conuicti seriò eliciantur, cōfirmentur, continentur, cūm in iis potissimum meditationis fructus cōsistat. Quē vt vberiorem ex materiis meditandi hoc libello comprehēsis percipias, necesse erit industrias meditandi.

Ad Lectorem.

ditādi in prima parte Enchiridii industr.c. 4.5.6.7.8.9. prolixè explicatas accuratè legisse, benè perpēdisse, & præcipuas memoriae infixisse: Similiter plurimum proderit meditationes de virtutibus in sexta huius opusculi parte ordinatè digestas attentè legere, & orebra relectione tibi familiares reddere. Ex his enim omnibus magnum habebis subsidium ad vberiores profundioresque discursus formādos, affectusque intensiores, efficacioresque excitādos: clareque deprehendes non temerē similem in plurimis meditationum materiis disponendis modū seruari, sed dedita opera, tum ut facilius tenaciusque puncta assignata memoriae infigantur, tum ut profundius veritates illis comprehensæ penetrantur, ad euidentiores conclusiones practicas, & solido profectui spirituali accommodatores inde deducendas. Insuper experi-

Prefatio

entia disces, nonnulla verba, quæ in his creberrimè repetuntur, rationemque discurrendi, vel affectus exercitandi secundum quatuor dimensiones inculcant, e.c. *Immensurabilis, infinitus, interminabilis, incomprehensibilis, & latè, pure, intense, constanter, insatiabiliter, & similia non esse Synonyma*, sed peculiares suppeditare modos, & quidem amplissimos discurrendi, affectusque & virtutum actus perfectissimè exercendi & continuandi. De his te, Christiane lector, præmonendum duxi, quibus obseruatis, spero te eximiam ex quotidiano huius Diarij ysu fructum relatum, magnamque præcipuorum fideli nostræ mysteriorum, eorumque omnium, quæ ad insignem in omni Sanctitate & Iustitia progressum faciendum plurimum valent, cognitionem, cum tenero erga Deum resque diuinæ omnes affectu haustum, ardenterque in triplici via per-

Ad Lectorem.

perfectionis magnis passibus pro-
grediendi zelum concepturū. Quod
vt seriō & constanter assequi cone-
rīs, (& quidem nouo fero re spiri-
tus, hoc potissimum tempore, quo
post tot sanguinas persecutionum
& seditionum Ecclesiæ orthodoxæ
in Germania nostra iugulum peten-
tium procellas iam sedari cœptas,
mira Dei prouidentia, pristina du-
dumque experita rursus affulgere vi-
detur tranquillitas) ex animo voueo:
meique peccatoris voti compos fa-
ctus, in tuis apud Deum pijs suspirijs
ut subinde meminisse digneris, hu-
millimè rogo. Fruere ergo hoc qua-
liquali labore meo, imò potius mu-
nere diuino, ad maximam gloriam
eius, à quo ceu inexhausto mari, vti
omnia profluxerunt, sic in eundem
refluant flumina gratiarum. Hunc
proinde tecum, & pro me breui in-
puluerem redigendo, omni possibili
affectu benedicere, laudare, & su-
perex-

Prefatio

perexaltare ne obliuiscere , quoties
hoc manuale in manus sumere cum
pio serioque perfecte eidem placean-
di desiderio dignabere. Hoc votum
meum obsecro ratum habe , &

Deo æternum viue. Treui-
ris. 9. Ianuar. Anno

1633.



INDEX